


21  
22  
23  
24  
25  
26  
27  
28  
29  
30  
31  
32  
33  
34  
35  
36  
37  
38  
39  
40  
41  
42  
43  
44


金石續編

5130  
854-2

東洋







金石續編卷第九

武進陸燿燾纂

唐六

太倉陸增祥校訂



舜廟碑

高一丈四尺廣六尺二寸八分行四十字隸書額題舜廟碑三字篆書在廣西臨桂縣虞山摩崖

舜廟碑并序

議郎中上柱國諱雲卿撰

議府長史武陰縣開國男翰林  
詔韓

秀實書

京兆冰篆額

帝舜有虞氏姚姓諱重華帝顓  
瞽叟之子廿以孝



聞卅堯□□□授堯之禪丁酉法堯禪禹在位五十  
年南巡狩崩磨缺一百一十有二筭聖德垂□□靈  
魄遊乎無方南人懷思立祠禱祭歷夏殷周秦拒磨缺  
享奠不替

大歷十一年

皇族隴西孫男兼御史中丞昌磨缺地虔祗統命肅疆  
神寺□□□□圯狹隘朽陋不足延降聖靈迎致恭恪  
齋服祭器不磨缺邀福慶禮有里巷蠻夷□□□於  
州佐縣尹曰上有陽虛陰實下有河潭洑溜風雲磨缺  
之伏處□乎僊駕蔭床□□□□遂神將遐弃  
因以俸錢增新繕故崇垣峻宇磨缺慶興□□成以時

昭享□□□來□□□兢慎恟懼肅然無不加敬牲

□既設巫祝磨缺然□□□誠簫鼓既□俎豆□□神

□人悅儼然如受其福是歲寇賊殲□年穀登稔磨缺

祉官□長老顯刊琢表識以詠懿烈□辭曰

惟虞禪夏夏德斯淪夏殷歷周磨缺尊帝□莫宣祀典

空守祀禮□聞於□皇宗踵美虞唐薦生淳下

凡缺十四字當是原俾空三格實缺十一字穆穆宗臣祗慎肅韻廣厦增

□展禮竭忠人神胥會風雨晦蒙三千年□禮幣贄通

西原寇平南畝有年紀事報功皇靈降臻德化□□攻

戰自剋畎畹農耜我勤乃□日用遊焉惡知帝

力天之同□□存影會誠感昭通屑□室□□□播美



垂億千載

大唐建中元年□□□□□月景寅朔

二日丁卯

下缺

按唐大曆十一年李昌夔脩舜廟韓雲卿撰碑韓秀實隸書李陽冰篆額建中元年三月二日立石歐趙陳三家皆未著錄王象之輿地碑目靜江府有虞帝廟碑唐李陽冰篆而不載撰書人姓名于奕正金石志韓雲卿撰而不及書篆者 國朝孫星衍訪碑錄載二韓撰書而不及陽冰篆額錢大昕潛研堂金石文跋尾攷据加詳但未審修廟之為李昌夔也碑文五百餘字石泐七十餘字中央為明嘉靖間楊銓刻詩磨毀十三行每行七字今

可辨者尚三百數十字辭凡十九韻三十八句薦生道下至俛口缺十四字以韻句合之止缺十一字其三字乃原空格也碑前二韓撰書姓名具在篆額上冰字亦未損大曆十一年皇族隴西縣男兼御史中丞昌下闕平蠻頌隴西縣男昌夔與此碑合則此碑昌下闕者即夔字也宗室世系表昌夔荆南節度使檢校工部尚書從後官階也元至正二十三年劉傑所撰舜廟碑云肇修于唐觀察使李公昌夏誤以夔為夏也又云文之者禮部郎中韓雲卿則知此碑韓雲卿結銜郎中上為禮部也碑末書大唐建中元年缺五月景寅朔二日丁



卯通鑑唐德宗建中元年庚申正月丁卯朔二月  
丙申朔四月乙未朔則三月朔為丙寅元年下所  
缺蓋歲次庚申三凡五字也道光五年冬晤老友  
臨海洪州判順煊於廣州得此拓本以贈

大岷山銘當在  
濬縣

登于大岷兮經過頂凸坤儀根壓洪河天生忠良濟  
搃宏多山靈河神俾環海戢戈 唐建中元年四月廿  
六日勅魏博成德幽州靜□□□□□□道黜陟  
使諫議大夫洪經綸題

趙氏金石錄第一千五百五十六有唐聰明山銘亦  
洪經綸撰張洸八分書建中元年六月立蓋同時所

為也筠清館  
金石記

獨秀山石室記

石高二尺廣三尺二十六行行十三  
字正書在廣西臨桂獨秀山讀書巖

獨秀山新開石室記

監察御史裏行鄭耕齊

城之西北維有山曰獨秀宋顏延年嘗守茲郡賦詩云  
未若獨秀者峩峩郭邑間嘉名之得蓋肇於此不籍不  
倚不騫不崩臨百雉而特立扶重霄而直上仙挹石髓  
結而為膏神鑿嵌竇呀而為室躡滓可遠幽偏自新睇  
梁岑疇人無知者大厩中御史中丞 隴西公保鄣  
南服三年政成迺考宣尼廟於山下設東西庠以居曹



子備俎豆儀以親釋菜雖峻吐可尋而藪薄未剪  
公乃自常後以上口指荒榛而授事為力無幾得茲穴  
焉闕而外廡隘以傍達立則良其背行則躡其腓於是  
申請左右朋進畚鍤壤之可踈者布以增迳石之可轉  
者積而就階景未移表則致虛生白矣豈非天賦其質  
智詳其用乎何暑往寒襲前人之略也亦由士君子韜  
迹獨善懿文遊藝不遇知己發明則蓬蒿向晦畢命淪  
悟鹽車無所伸其駿和氏不得成其寶矣篆刻非寵庶  
貽後賢建中元年八月廿八日記

按建中元年鄭叔齊撰獨秀山新開石室記記稱  
隴西公者李昌巖也大曆十二年昌巖以隴西縣

男領桂州都督兼御史中丞迄建中改元闕七年  
矣獨秀山之名肇於顏詩宋書本傳顏延之字延  
年少帝時出為始安太守領軍將軍謝瞻謂延之  
曰昔荀勗忌阮咸斥為始平郡今卿又為始安可  
謂二始記云嘗守茲郡始安郡也始安郡三國吳  
置晉宋因之宋明帝改郡為國曰始建齊復  
置桂州唐為桂州始安郡即今桂林府

### 涇王妃韋氏墓誌

石縱橫各一尺三寸十八行行二十二  
字至二十四字不等正書在南海吳氏

### 大唐涇王故妃韋氏墓誌銘序

給事郎行河南府洛陽縣丞翰林學士賜緋魚袋臣



夫必有婦其尚矣先務德禮次求容功兼而有之方謂  
盡善不尔則不足以特執巾櫛宜其室家故詩稱好逑  
傳著嘉偶非必獲是孰媿 名王妃姓韋氏盖京地

長安人祖湜

皇朝中散大夫潁王府司馬贈光祿卿父昭訓

皇朝中散大夫太子僕贈衛尉卿皆公望自遠吏才兼  
優來以何暮見歌去以不留興詠妃即淮陽府君之第  
四女也自漢及今門為望族男不卿士女則嬪嬙蟬窠  
魚軒与時間出騰光簡諒昭晰紛綸妃蕙以為心馨其  
如蒞詞懿而乞服純而衷位則千乘小君行則

一人猶母雖貴無壽命也如何嗚呼享年四十八以建  
中二年十二月己酉薨于寢以三年二月庚申葬于原  
禮也存不育男孕女沒無主祀執喪有足悲夫銘曰

關右著姓

海内名家

氣与蘭馥

顏如薜華

宜乎作嬪

于王之室

如何不淋

中路先畢

松檟交植

塗藟共來

一晝朝露

千秋夜臺

日覩原野

心傷土

日既光沉

人亦薰歇

中無可欲

馬慮發掘

但恨長緯

獨歸城闕

右墓志首尾共十八行參差不齊首行廿二字正書  
字徑五分文為張周撰攷涇王名倓肅宗之子本紀  
載至德二載十二月封子東陽郡王倓為涇王亦見



宗室世系表韋氏祖湜父昭訓並見宰相世系表乃  
勛王房之後表載湜齊州刺史昭訓太子僕墓志叙  
湜為中散大夫潁王府司馬贈光祿卿與表異而昭  
訓為贈衛尉卿表亦弗之及自當以墓志為正德宗  
本紀載涇王卒於興元元年五月則妃薨時涇王尚  
在也志不書所葬之郡縣此刻向來金石家皆未著  
錄恐係新出土者予得之吳門碑估處察其紙墨似  
是關中拓手恐在陝西

古泉山館  
金石文編

按唐書涇王倓肅宗子始王東陽至德二載進王  
涇史思明陷河洛詔充隴右節度大使興元元年  
薨子迨延德郡王妃韋氏鄭公房祖湜父昭訓並

見宰相世系表湜齊州刺史昭訓太子僕與志詳  
略互異元和姓纂鴻生昭訓誤湜為鴻可以此正  
之漢丞相韋賢自鄒徙杜陵至唐時定著九房宰  
相十四人太宗妃生紀王慎肅宗妃生兗王儻者  
皆韋氏又開元二十四年為壽王瑁聘韋昭訓女  
即妃姊見元宗貴  
妃楊氏傳按通鑑二十五年十二月武惠  
妃薨乃令壽王妃楊氏為女官號太真更為壽王  
娶左衛郎將韋昭訓女潛內太真宮中天寶四載  
七月冊昭訓女為壽王妃八月冊太真為貴妃志  
所謂自漢及今門為望族男不卿士女則嬪嬙也  
潁王璵元宗子百官志正五品上曰中散大夫王



府司馬從四品下光祿寺卿從三品太子僕從四  
品上衛尉寺卿從三品建中二年妃年四十八則  
知生於開元二十二年其薨先涇王三年志云存  
不育男孕女則知迨非妃出也張周見韋執誼翰  
林院故事建中已後周自洛陽尉改河南縣丞又  
改兵曹又改虢州司馬皆充翰林學士丁居晦重  
修承旨學士壁記張周大歷十四年自洛陽縣尉  
充建中二年改河南府兵曹參軍興元二年除虢  
州司馬依前充今結銜作河南府洛陽縣丞與執  
誼居晦所記可以互證給事郎正八品上此石嘉  
慶二十五年春始見於長安市上以萬錢得之貽

南海吳兵脩 榮光

景昭法師碑

碑高八尺二寸廣四尺一寸二十五行行五  
十六字正書篆額失搨在江蘇句容縣茅山

華陽三洞景昭大法師碑 并序

朝議大夫掄按國子司業兼御史中丞吳縣開國男

陸長源撰

朝議大夫掄按尚書兵部郎中兼侍御史上柱國寶

景書并篆額

夫載宇宙懸日月提萬象而首出者其唯道乎夫通聖  
神該品彙冠百靈而獨立者其唯人乎道所以包渾元  
經始萬象也人所以稟淳粹司會百靈者也故人因



道而集祉道因人而垂休不宰之功地乎造物無言之  
 德洽乎生民然後蕭散乎汗湯之間冲融乎希夷之表  
 與天籟而吹萬並谷神而長存者矣紫陽真人大法師  
 諱景昭字懷寶本丹楊延陵人也其先系自□□大彭  
 之後在虞為陶唐氏在夏為御龍氏在商為豕韋氏因  
 國命氏□□□延以至於裔孫孟孟為楚太傅賢為漢  
 丞相昭□吳為侍中昭兄慎為司空法師即吳司空之  
 十六代孫也司空薨葬于延陵子孫因而家焉祖道會  
 父思藏皆在園養素道高跡隱載于列仙之藉法師方  
 □稟異自幼表竒孕元和之粹靈體太玄之妙質初以  
 素書發跡配度于延陵之尋仙觀後以丹臺著稱綵居

于長安之肅明觀屬

玄宗廣成問道姑射

願神放心於凝寂之場垂於穆清之上法師因得羽儀

金籙頡頏玉繩藉京師垂廿載爰辭

上國思

還故鄉重葺茅山之太平觀天寶中與玄靜先生奉詔

修功德造紫陽觀因而居焉遂於□丹院傳黃素之方

修齋醮之法祥雲瑞鶴飛舞於壇場甘露神芝降生於

庭院初法師師事大法師包士榮榮師事崇玄觀道士

包法整整師事上士包方廣廣師事華陽觀道士王軌

軌師事昇玄先生王遠知知師事華陽隱居陶弘景自

道源錫派玄教傳宗玉堂銀闕之人羽蓋毛旌之客府

無虛籍代有其徒法師至行稽乎玄化通識合于靈造



與其有也萬物不得而不有與其無也萬物不得而不  
無得也春秋為死生盈虛以天地為旦暮雲外虜頭  
之佩雪中鶴警之裘孩季通而撫子玄師仇公而祖黃  
太教戒示乎傳授服餌見乎延長侍杖屢者跡徧于江  
湖傳經籙者事同乎洙泗一居山觀三紀于茲還神契  
乎時來寤魄同乎物故以貞元元年十一月癸卯委蛻  
于紫陽之道場顏色怡悅屈伸如常春秋九十有二以  
其月己酉遷神于雷平山之西原玄靜先生壽宮之左  
傳授蘇州龍興觀道士臯洞虛得冲虛之妙用躡上真  
之區蹤梁市之客負來華陽之人間出矣道士韋崇珣  
主修齋醮祭俯仰節度道士朱惠明掌法籙經書修真

秘訣法師上編仙籙傍契道樞神含渾元德與溥粹誘  
進羣動感通眾靈邈然非寰宇之間超然在風雲之表  
至如身纏世故跡混俗塵發忠孝以飾躬演信義而旌  
行蓋隨時而不器豈常道之可誦歟浙江東西節度支  
度判官掄技尚書兵部郎中兼侍御史扶風竇公曰泉  
布武區中棲心象外與法師聲同道韻理契德源追往  
想琴高之祠傳神著務光之傳見微副墨用琢他山其  
詞曰

惟道之大提功混茫惟人始庶與道迴翔素韻凝寂  
功靈長肇形無跡啓迪逾光矯矯法師錫羨華陽奉族  
命氏在虞系唐御龍事夏豕韋居商巖然靈表自幼而



彰理冠容成質侔夏黃尋仙發跡肅明始揚宵禮金殿  
晨朝 玉皇丹臺道侶白雲帝鄉楚山萬里故國  
丹楊醮宮鳴磬齋室焚香芝生庭院鶴舞壇場琴君祕  
洞葛氏真方來時去順齊彭泊殤化鱗風翥委蛻雲驥  
峯巒遷迤松桂蒼蒼塵生杖屨苔染巾箱龍銜彩牀  
綴盤囊闔風玄圃瑤軒玉堂追存如在頌德不亡孤石  
巋然萬古連岡

太平觀道士徐元治道士許長久徐則內行克修外通  
儒學許則宿推公幹虔奉真宗

貞元三年獻春正月上元之辰建造

清河張伯倫刻字

按景昭法師碑陸長源撰竇泉正書道家碑題多  
著俗姓此碑但題華陽三洞景昭大法師碑而序  
中則云商為禾韋因國命氏湖其先世曰孟曰賢  
曰昭曰慎則法師乃韋姓也長源撰碑贊美竇泉  
而泉即自書亦所罕見長源結銜檢校國子司業  
吳縣開國男兩唐書皆不載竇泉扶風人撰述書  
賦元和姓纂扶風竇氏魏晉以後史傳無聞得此  
皆足補其未備

韋夫人王氏墓誌

石縱橫各一尺二寸五分二十三行  
行二十四字正書在陝西長安縣

大唐華州下邽縣丞京兆韋公夫人墓誌銘 并序



哀子前鄉貢進士鎮謹撰并書

維唐大歷十三年三月廿五日韋公夫人遘疾終于長安親仁里之私第夏四月遷殯萬年縣加川鄉西原時無良禮不備故也貞元庚午歲二月廿三日卜叶禮具返葬洪固鄉東之舊壇祔皇姑也享年卅九孝子之感倍焉夫人姓王氏其先太原晉陽人也九代祖亮後魏比部尚書西河郡公尚書令中山郡王觀之弟也曾祖真行有唐汝州葉縣令祖怡河南尹東都留守初為御史正憚姦息父毗京地府奉先縣丞夫人少喪怙恃終鮮昆弟年十七歸于下邳公公五代祖孝寬周為大司空隋為雒州牧其後登

三台列八座焜煌國史此不具舉夫人惠和懿柔稟之自然故韋口門大族茂能卑以自約祗上接下而人無閒言事姑惟勤口夫以敬踰廿載婦道睦如也訓子均育免懷就傅親賢慙口母儀温如也華靡不改欲榮耀不汨志安買臣之尚貧知口口之未遇敬孟齊口梁鴻比德君子謂之無媿辭宜乎鍾壽昇口口何先露早甘時口彼蒼仁者之惑嗚呼哀哉有子五人曰縝曰潔曰系曰維曰紆免三年之喪茹終身之痛恭守儉薄爰卜安地封樹將立日月有時攀塗車而莫及軼泉扃以罔極恩盡苴臬悲長霜露是用祗述景行式揚幽安銘曰



行備德充反殲其躬哀子泣盡良人室空辭殯  
還鄉魂安孝終松楸有折慕思無窮

貞元六年二月十九日書

右墓志首尾共廿三行行廿四字正書字徑二三分  
志為其子前鄉貢進士續撰書文頗簡明而語氣直  
與他人撰文無別夫人王氏卒於大曆十三年三月  
至貞元庚午二月始葬其時章公當在志前題哀子  
及銘中云哀子泣盡與後代母歿稱哀之例同矣然  
攷儀禮禮記以哀子為親喪通稱而王制言少而無  
父謂之孤孟子云幼而無父曰孤則必少幼而無父  
者方合稱孤之意詩云哀哀父母生我劬勞此父母

皆稱哀之義又雜記言祭稱孝子孝孫喪稱哀子哀  
孫儀禮士虞禮稱哀子卒哭乃稱孝子外舅恒言錄  
引後漢書靈帝紀市賈民為宣陵孝子者數十人蔡  
邕傳今虛偽小人本非骨肉而羣聚山陵假名稱孝  
桓思皇后祖載之時東郡有盜人妻者亡在孝申則  
漢時已以孝為喪服之通稱此志於反葬文數語下  
云孝子之感倍焉後銘中又有魂安孝終之句可見  
習俗相沿已昧孝之本義故其子亦不以自美為嫌  
則知後代如宋人之夫亡稱孝妻妻亡亦稱孝夫之  
類有自來也志敘夫人九代祖亮後魏比部尚書西  
河郡公於史無攷下云尚書令中山郡王叡之弟也



王獻終於隋見北史恩幸傳其遷尚書令進爵中山王則在魏之太和四年也傳言其先居武威姑臧獻既貴乃言家本太原晉陽遂移屬焉故其兄弟封爵多以并州郡縣此志言亮封西河郡公攷魏書地形志有兩西河郡一屬晉州云舊汾州西河民孝昌二年為朝賊所破遂居平陽界還置郡一屬汾州云漢武帝置晉亂罷太和十二年置并州又在後為孝昌中置蓋當王獻貴時尚在太和十二年前西河郡亦隸并州也志又叙韋公五代祖孝寬周為大司空隋為雍州牧見周書及北史韋孝寬傳傳言名叔裕字孝寬以字行唐書宰相世系表載其為鄭公房旭之

次子下邳縣丞韋公者予曩時先得有韋公元堂志名端者即其人也端後又官陽翟縣丞及國子監主簿而致仕其卒葬在元和十五年後於夫人王氏卅年据元堂志叙夫人曾祖諱子真皇襄州錄事參軍考毗昭應縣尉皆與此不合彼稱嗣子縝系練紆絢此作縝潔系縮紆有絜縮而無練絢序次亦復不同豈後又更定者乎端志不詳王氏之卒之年月日云貞元六年奉安宅兆與此志合端志又稱五代祖孝寬後周大司空攷襄公攷史傳孝寬在周歷官尚書右僕射拜大司空歿於隋文帝輔政之後贈雍州牧故此志稱隋雍州牧而宰相世系表乃稱隋尚書令



非也此志文後有一行題貞元六年二月十九日書  
攷史中言貞元庚午即六年也蓋葬以二月廿三日  
書刻則在其前故於文後特記所書之日亦他刻所  
罕見續所書頗古雅惟後半君子謂之無媿辭句脫  
去子字添刻於旁据此志與端志言葬萬年縣則當  
在陝西而自來金石家惟未言及之畢尚書關中金  
石記亦不載道光壬午長沙友人黃孝廉本驥客關  
中搜集隋唐石刻七十四種以補畢尚書所遺而亦  
無此志豈又近年始出土者耶拓本亦已丑六月所  
得萬年縣加川鄉為長安志所遺親仁里當即在親  
仁坊長安志謂在朱雀街東第三街即皇城東之第

□街也

古泉山館  
金石文編

按下邽縣丞韋公夫人王氏墓誌銘子縝撰書而  
韋公之名不著以元和十五年韋端元堂誌證之  
則下邽縣丞韋公者即韋端夫人乃韋端之配此  
誌與元堂誌皆道光初同時出土考詳元堂志後  
夫人以元和十三年追贈臨汾縣太君見元堂志

長豐令李丕墓志

表本高廣無考二十  
行行二十一字行書

故莫州長豐縣令李君墓誌銘并序

唐貞元三祀五月故長豐宰李君丕卒於幽州潞縣嗚  
呼逝水古今悲夫公隴西人也世襲軒裳地清才幹



曾祖知禮宣州司功叅軍 祖懷璧汴州陳留縣丞  
考許州陽陵縣令 公洒然深心抱義育德士林  
咸器重之乃昌言薦於元戎遂徵辟為潞縣丞佐理高  
標令名遠著後墨綬長豐化百里之風樂四人之業俄  
改任莫州司法叅軍蘓息萌隸鈐鍵奸譎凡登仕踐位  
時議茂宰良掾也每處其厚不居其華果行溫良發言  
砥厲豈期餘慶罔祐而禍兮有階故鵬鳥作孽二豎為  
祟沉疾於故林私弟即代之日春秋六十有三無嗣夫  
人元氏晝哭靈悵恨無三從傷肝膈之痠憤痛終身之  
惻獨長女適河東柳氏名峴試太常寺奉禮郎感深仁  
之厚恩盡半子之禮節力窆棺觀手植松口狀塗車封

馬鬣粵三年建子月葬於縣之南三里潞水之右託一  
片之琬琰記平生之徵 俾山壑之變風烈有遺而為  
銘曰

屹然孤墳長城之東死生永隔天地不同于嗟英靈窮  
泉之中悄々原野旦暮悲風

按太平寰宇記莫州漢鄭縣唐景雲二年分瀛州  
屬邑鄭州割瀛州鄭任邱文安清苑幽州之歸義  
等五縣屬焉開元十三年以鄭字類鄭改為莫字  
天寶元年改文安郡乾元元年復為莫州長豐縣  
本秦漢之利豐縣高齊廢唐開元十年於文安南  
三十里復立利豐縣又以縣北有長豐渠遂改名



長豐析文安任邱二縣以實之幽州唐天寶元年改為范陽郡乾元元年復為幽州潞縣本漢舊縣屬漁陽郡唐貞觀元年以潞歸幽州長豐在今順天府文安縣境潞縣為今通州誌石蓋出於此

清河張夫人墓誌

縱橫各一尺五寸十九行行十九字正書在陝西長安縣

大唐故清河張夫人墓誌銘 并序

弘農楊暄撰 外孫子聿彭城劉釗書

夫人号威德清河之族積善承家祖考諱返昌二女也不乏世賢園林隱跡夫人既笄之後適于閻氏婉順和睦克柔母儀淋慎於家聲聞於里况乎先覺早悟色空

齋戒在目持念閉目奈何善不增壽命也自來染疾月旬歲過不減貞元八年二月廿八日終於京長安縣義寧里之私第春秋六十有九即以其年五月十八日擇地吉辰葬於長安城西龍首原之禮也嗣子庭萼右龍武軍宿衛忠孝之道踰絕過禮次子庭珙右羽林軍宿衛邠州節度尚書張獻甫 奏赴行營遂忠於國孝不並行報哀之情昊天何極嗚呼痛哉又足悲也一女四適於白氏半子之分禮以恭仁攀慕痛深將刻斯石其銘曰

清河夫人 適於閻氏 二男一女 忠孝誰理 其一  
公之獨守 痛傷靈机 四時定省 賴之半子 其二



楚挽送終 染疾一周 死生命也 念之何求 其三  
孤墳寂寂 松柏颼颼 泉門永掩 萬古千秋 其四

外孫太清刻字

按張夫人媼閻氏適從女作媼唐時沿習見於萃  
編及古刻叢鈔者不可枚舉閻氏本齊大夫閻邱  
嬰之後或單姓閻氏其見於唐時者元和姓纂蜀  
州司馬閻邱珣上元中准制改姓閻氏生雲曇倉  
部郎中又有左補闕閻知微宋長安志朱雀街西  
第五街即皇城西第三街從北第一修真坊次南  
普甯坊次南義甯坊即此義甯里也外孫子聳之  
稱始見於此

懷素東陵聖母帖

石高二尺寬四尺上下兩截草書首尾計五十行行字不等

聖母間口主口口疾口釋遂奉上清之教旋登列聖之  
位仙階崇者靈感遠豐功邁者神應速乃有真人劉君  
擁節乘麟降于庭內劉君名綱貴真也以聖母道應寶  
籙才合上仙授之秘府餌以珍藥遂神儀爽變膚骼織  
妍脫異俗流鄙遠塵愛杜氏初怒責我婦禮聖母脩然  
不經聽慮久之生訟至于幽囹拘同羨里倏口霓裳仙  
駕降空鄉雲臨戶顧召二女踐虛同升旭日初照登身  
直上旌幢彩煥輝耀莫倫異樂殊音口空方口康帝以  
為中興之瑞詔於其所置仙宮觀慶殊祥也因號曰東



陵聖母家于廣陵仙于東土曰東陵焉二女從升曰聖母焉遂宇既崇真儀麗口遠近歸赴傾而江淮水旱札瘥無不禱請神貺昭答人用太康姦盜之徒或未弘咎則有鳥禽翔其廬上靈徵既降罪必斯獲閭井之間無隱隱焉自昔暨隨年將三百都鄙精奉車徒奔屬及煬帝東遷運終多忌苛禁道侶元元九聖丕承慕揚至道真宮祕府罔不口建况靈縱可口道化在人雖蕪翳荒頽而莫禱雲集棟宇未復耆艾銜悲誰其興之粵因碩德從叔父淮南節度觀察使禮部尚書監軍使太原郡公道冠方隅勲崇南服淮沂既口口作而不朽存乎頌聲貞元九年歲在癸酉己月

貞元九年釋懷素草書宋元祐戊辰歲三年刻在西安府學聖母晉康帝時人其得建號為東陵聖母者以其主食江淮故也禹貢導江過九江至於東陵漢書地理志廬江郡金蘭西北有東陵鄉者是也王松年仙苑編珠曰聖母杜氏妻也學劉綱術坐在立亡杜氏不信誣以姦淫告官付獄即從凶中飛出入雲中而去與帖所云正合聖母自晉迄隋無不崇奉至唐則尤甚此帖書於德宗時文稱從叔父淮南節度觀察使禮部尚書太原郡公而不書名蓋指建立祠宇之人案其文義當在廣陵郡地帖蓋宋時以墨本摹刻者後有柳槩柳乘



裴休同登題名

王仲堪墓誌銘

縱橫各二尺四寸二十二行行三十四字至三十七字不等正書在順天府大興縣徐氏

唐故監察御史裏行太原王公墓誌銘 并序

族弟盧龍節度掌書記監察御史林平述

公諱仲堪字仲堪其先太原人也弈世珪鼎紛綸葳蕤國史家譜詳之脩矣十九代祖西晉京陵公渾位極台司功格帝室曹脣枝散遍於九州五代祖冲後居幽州安次縣子孫家焉令則又為邑人也為郡右族繼生才賢曾祖揆王父幹儒墨傳家以孝悌自任故時君不得而官之矣皇孝令仙蘊孫吳之術好立奇功累以勲伐

稍遷大理評事公即評事 府君之元子生而岐嶷體備剛柔越在齠年便志於學逮乎弱冠乃為燕趙聞人經史該通詞藻艷發本道廉察使賢而薦之自鄉賦西遊太學羣公卿士聆其聲而交之听居結轍名動京邑大歷七年進士擢第稽古之力自致青雲听謂拔乎其萃為山九仞者也解褐授太原府叅軍事居無何丁太夫人憂服闋奉道節使奏授幽州大都督府戶曹叅軍以能轉兵曹叅軍事雍容府寮名掄標舉局無留事庭宇生風節使嘉之俟其碩畫乃奏充節度叅謀拜監察御史盧諶本郡未足稱榮買臣居鄉豈云顯達我相國彭城王方任以叅佐弘贊 厝謀略邁韓彭慕繼



表伏矣以為諸侯聘問歲惟其常妙選行人以通兩君  
之好十二年冬十一月公奉使於蒲春二月旋車自蒲  
經途遙遙旅次雲鄙以貞元十三年二月三日不幸暴  
殂於望巖之傳舍享年六十有四嗚呼哀哉自古有死  
人誰不終公有厚德而壽不永公有全材而位不高則  
梁竦悲乎州縣馮唐老於郎署可以言命矣以貞元十  
三年二月十七日殞於薊東之別墅後權也以其年四  
月六日遷神於薊縣燕夏鄉甘棠原禮也不祔舊塋後  
先志也次弟仲珂季弟僧法源等悲摧鴈序痛折連枝  
嗣子存次子較方在幼童茹感過禮子壻前鄉貢明經  
清河張存義感於情眷深國士慮絕故老永遺志業刊

石紀德銘而旌之所謂沒而不朽者矣銘曰 易水

湯湯兮燕山崇崇有斐君子兮穆如清風簪筆拽裾兮

佐 我上公直哉惟清兮允執厥中奉使于蒲兮自

西徂東天胡不仁兮如何道終丹旆戾止兮啓茲宮

青松森列兮永翳我宗悲壯圖兮已矣惟芳名兮不窮

按此石嘉慶中京都土人得於外城東隅旋歸大

興徐編修松今藏其家誌序云相國彭城郡王者

謂幽州節度使劉濟也奉使於蒲者河中節度使

渾瑊也薊本漢舊縣寰宇記二十二鄉燕夏其一

也

大樂山修楞伽寺碑



碑高四尺四寸廣二尺四寸十行  
行三十五字正書在山西壽陽

壽陽縣大樂山重修古楞伽寺碑記

楞伽寺自古有之元和中僧道明遂見此寺破 衆人  
所請為國崇修及諸功德并造神碑一所以記之切維  
大唐之治天下也紹堯舜之風重釋迦之教 皇風  
枝於萬國佛法垂於三千其有敬之者福生修之者果  
滿何以知其由也覽異記云周昭王表瑞之年至聖降  
生西域漢明帝肇帝之歲法海東流道明所恨生逢於  
佛後沉淪於苦口錫巡於五臺清涼聖境朝禮 覲聽之  
處神光百變夜覩苑煌之聖火艷千燈雖不見大真身  
願沐慈光後茲有願晏坐林間得邑中信士王龍張玘

等於麻八之歲禮請留住此山乃登毗雲林俯瞰幽谷  
固侈竒狀殊異衆峯其山也硯磑磅礴接五 之兩崇  
崩巖嶺巒倚九天之一柱朝參暮禮了達善緣是以理  
與心明素非仁智之流豈能皈向如來而重修此寺哉  
寺名古楞伽者金園界畔而明也東至峯神廟西至磧  
石山南臨上馬平北拋默峪澗此寺之四至也發金之  
地猶徧以廣其規斬崔嵬之山砌石為堵旬日乃成然  
以樑架長空虛成平地疊軒廊以口窟壘層坡以峩峩  
丹柱燦艷兮光映朝霞寺虛清極兮晶含夜月四衆回  
向三縣歸依敬礼三世諸佛及諸功德尊堂口等蓋法  
無生滅位列生人自屋自居此山此向俗年八十有七



成斯功德以彰不朽之名所有造碑功德宜勒於石上  
祝

聖壽遐昌唐王永久握乾風以鞏萬邦來驛貢以朝萬  
國仙觀神山永鎮無疆故記

大唐元和六年歲次辛卯六月甲子朔太原府壽陽縣  
大樂山古楞伽寺住持道明口立

按碑在壽陽縣東北四十里大樂山縣志未載平  
定州志壽陽大樂山在縣東北四十里楞伽寺在  
縣東太平村蓋未見此碑也碑以元和六年僧道  
明立撰書人皆不著四至分明峯神廟磻石山上  
馬平默峪瀟唐時山川故蹟尚可考證足補方志

之遺道光元年四月予偕沈平定珠訪碑於壽陽

吾鄉董峒亭繩武得此拓寄苑疑苑省規疑規誤

竈未詳

沁河枋口等記

拓本高三尺三寸廣二尺三寸十九  
行行二十七字正書在河南齊源縣

沁河枋口廣濟渠天城山蘭若等記 敬□□□□□□

□撰并書

二儀始分山河已顯豈伊造化寔日自然此沁水者出  
自沁州沁土山初出泉涌已堪賞翫數里之外便作洪  
流坪万仞之山闢千重之嶺虵盤龍勢虎卧鳳翔或東  
澍而跳波或西傾而箭激或南流而繩縵或北瀉而若



飛屈曲縈迴七百餘里奇峯怪石匪可名言有若佛形  
 或如仙狀翔鸞蹲鳳異獸神人邈遙相望至于谷口中  
 間潭洞清瀨亦數百餘鼉鼉較獮莫知其數峭壁万仞  
 聳出深潭人迹無由鳥飛方度危險崖墜匪可書窮浩  
 浩雄流輒不可犯屈茲枋口寔曰巨河以下枋口記水像枋  
 形出山俗謂之枋口以下開渠記有釋子堅公者稟天地之  
 氣承造化之英懷濟物之心有開河之志承 恩銜命  
 勅使監臨觀天下地形可開處便闢飛輪至此巨  
 致殊功招樊噲之徒台五丁之類駟崆峒之石立拂雲  
 之梢堰洪口巨流缺東南之岸分流一派溉數百萬頃  
 之田荷鍤興雲缺渠降雨黃泥五斗杭稻一石每畝一

鍾寔為廣濟由是河內之人無飢年之慮鴈堰殘水尚  
 為大河千里澄澄東流入海以下蘭若記此枋口內灣環綠  
 水狀若盤龍周迴翠屏削成万仞中間有地數頃夷若  
 平川金門雄山引頭直入數峯巖巖勢若聯珠余因遊  
 焉結茅禪室目之四面号曰天城時人因稱天城山聯  
 珠峯蘭若既居滕境安敢匿詞智短山長略述其狀  
 元和四年亦奮歲春三月朔此蘭若六年單闕歲冬十  
 一月刻此記焉 濟源縣令李朝陽 丞口宏 薄李  
 勛 尉王士端同立

按沁河枋口廣濟渠天城山蘭若等記石刻在濟  
 源縣石完整惟撰書人姓名剝蝕難辨隋書地理



志河內郡濟源縣舊有沁水縣後齊廢入唐書河  
 北道孟州濟源縣有枋口堰大和五年節度使温  
 造浚古渠既濟源河內温武陟田五千頃明一統  
 志枋口在濟源縣東北三十里兩山間沁水經焉  
 舊以枋木為門故名枋口晉司馬孚累石為之又  
 名沁口唐韓愈詩平沙綠浪榜枋口白居易詩危  
 磴上懸泉澄灣轉枋口宋文彥博詩下馬入枋口  
 漾船沿碧溪隋盧奐唐温造俱於此開渠灌田名  
 廣濟渠又河陽節度使温造奏復懷州古秦渠枋  
 口堰溉諸縣田是廣濟渠即古秦渠渠堰由來皆  
 久非始於元和時也記以水像枋形謂之枋口說  
 殊不經其金門山天城山聯珠峯及令丞簿尉可  
 補濟源志乘所未備方彥聞拓贈

石壁寺甘露義壇碑

碑高八尺廣四尺二十七行行  
 五十二字正書在山西交城縣

唐石壁禪寺甘露義壇碑

尚書司封員外郎賜緋魚袋李逢吉撰

唐有天下 仁聖奕葉文武重光憲章於古損益以  
 章去雜霸煽揚淳風於二皇三代有全德於周公孔父  
 無違命獨□□□□□慈禪於人紀考之經義則  
 不悖施之帝典而可大式克惇尚許其踐修於是人知  
 崇奉家有清信空法匝於寰區真經侔於□□□□□



□列郡而我三壇角於三都在西都曰靈感壇在東都  
 曰會善壇在北都曰甘露壇洪惟適道之通軌歸心之  
 真宅甘露壇在府□□□□慎微稽謀之初欽若  
 佛旨日將漸位地是繫禁戒惟厥授受必資壇場不嚴  
 重何以肅凡心不精頌罔克之聖鑑不弘闡曷足□□  
 □□且欲以齊二京之宏觀補是邦之闕典乃銳其勳  
 力誓之以死斷于高賞即彼崇信入貨者波委就役者  
 子來掘及九泉實以香土□□□水之勝極金木之工  
 功費鉅萬瓌奇莫二自貞元癸酉歲暨丁丑歲而能事  
 畢是歲有事于靈壇凡數郡之內碩學舊德顯門之師  
 大□□齋志去家之徒駿奔走自四月八日至廿四日

而法會罷俾夫來者宿殖遞生聚舊汗畢清滌恒性鎮  
 有守矣見寢不作至靈加之易外境交感凡聖忽其相  
 接懽聲喜氣被於山谷休譽令儀播于宇宙其大哉茲  
 至道妙蹟之無量無邊其魄見於事者可略而紀昔應  
 身示滅像□□趨之不一而旌別道俗攝持身口莫疾  
 於尸羅近世之弊主者有經費求者必執費既叨愜而  
 有交利之患顧急憶而無與進之心則中途□□大化  
 斯蠹矧或師未善教而法禁廢弛事鮮成命而去取溷  
 淆懿夫弘濟為心周給於眾則人以勸廷辯其能詳定  
 其要則事有倫五載而□□萬眾而無擇使人趣之也  
 謂東漢感夢以還釋流傳授未有盛於此者故自興作



每多符應巨功方半景甚清霽甘露垂珠於草樹者三  
日□□觀大衆日集時屬早暎靈泉湧溜於山間者數  
所<sub>以</sub>辦禮食賓主咸賴由是節度觀察使禮部尚書李  
公以文武忠肅休勲懿行而志尚營道□□寬仁長材  
曠度而性惟與善相與叶心同德表請錫名曰甘露無  
碍義壇且又降之素書用加褒美出其清俸以為賜予  
斯足以駭見聞而□□設教得其人而後行前志又  
云天時不如地利禪師本姓齊氏荆人也姜水舊族漁  
陽德門累襲軒冕夙彰行義脫屣代祿奉身高驥初隸  
□□脩多之藏究毗尼之樂演律為奧主傳戒為常  
師了法之無住游方而至止因感 文德先后聆神鍾

荆仁祠之勩嘉道綽大士精修禪觀□□壑崇邃林  
泉詭異據全晉之右壤面興 王之舊京宜作聖域以  
嚴 佛事亦既經始于焉肆勤綱維及寺之耆艾上首  
等率能奉法以慎□□克佐佑誕臻厥成則又知清  
行勝槩之若此雖欲勿坦為宏圖而莫可已於是緇流  
後賢縉紳諸儒洎清信士女百千人俱議欲刻石以存  
□□經之餘雅脩無生□□窺龍宮之秘故得以  
盛朝君臣之至化空門聖賢 妙道合而為頌以簡于  
後其辭曰

釋氏之宗泊乎無為生殖光大衆妙攸依道彌無涯智  
不得知誕設烟戒揭其洪規亦既潤色為之羽儀乃睠



後賢異代如期持律之士若□□□為衆元龜亮直端  
潔宜作之師在法末流典制寢隙忘味輟寢誓志興衰  
乃經斯壇究盡瑰奇赴者如市來其如歸靈泉川流膏  
露□□□□□□□暉穆穆 聖君唐虞同時端  
拱思道而人畢隨京邑有三壇乎如之越有大賢鎮安  
朔陲請錫嘉名用光于茲既賜予矣褒□□□

□允都政貞清道機萬有千年燁洪耀于斯

元和八年三月十九日

大元至順三年歲次壬申三月初有三日重建

中奉大夫陝西等處行中書省

特賜龍石壁護國永寧方丈中禪寺

按唐石壁寺甘露義壇碑元和八年三月李逢吉  
撰元至順三年三月重建三都三壇此其一也元  
和郡縣志武德元年罷太原郡為并州總管七年  
改大都督天授元年罷都督府置北都神龍元年  
依舊為并州大都督府開元十一年以王業所興  
又建為北都改并州為太原府天寶元年改北都  
為北京此碑在天寶以後而仍云北都者三都之  
稱已久從其舊也三都三壇今此交城甘露為北  
都之壇外惟東都之會善戒壇在登封西都靈感  
無可攷矣李逢吉太宗時文學館學士李元道之  
曾孫也元和十一年二月以中書舍人為門下侍



郎同平章事十二年九月罷為東川節度使長慶二年六月以兵部尚書為門下侍郎同平章事寶曆二年十一月充山南東道節度使事見兩唐書本傳

李術墓誌銘

石縱橫各一尺二寸十五行行十五字正書

唐故叔氏墓誌并序

元和九年歲首甲午正月十九日丁卯浙東道觀察判官將仕郎試大理評事攝監察御史李翱奉其叔氏之喪塋于茲叔氏諱術生子曰王老遠在京師翱實主其事銘曰

翱生始言叔氏棄沒爰殯于野年周四甲豈無諸親生故或迫亦有息子核宦京國丘墳孰封松檟未列殯宇零毀狐狸所穴中夜遠思酸悽心骨是以乞假公府言求筮宅追念延陵喪子羸博葬不歸吳于禮其合唯叔平生游居是邑天謝于此靈幽其託女姪之西仲兄之北冥昭何異可用居息孰為故鄉乃樹松柏

按李術墓志銘見李文公本集術為諸父而曰叔氏叔父之尊而擬之延陵羸博尤為不倫翱以浙東觀察判官乞假筮宅銘云唯叔平生游居是邑卒莫知所葬何地李翱此文本不可為典要後人就集本上石詭為出土書刻并劣集本題叔氏墓



卷九  
誌銘石本加唐故二字旅宦之旅作旅靈幽之幽  
作幽淺人涉筆一二字已見其陋錄而摘之以懲  
贗託

宣功叅軍魏邈墓誌

石縱橫各一尺六寸三十行行  
三十字行書在陝西咸陽縣

大唐故宣州司功叅軍魏府君墓誌銘

并序

息孤子庄贊自撰兼書

大人諱邈字仲方其先鉅鹿人寄居于京地府咸陽縣  
積代矣頃因祿山暴逆鑾輿南征畿甸士庶皆為俘馘  
由是圖籍毀致舊業烟燼不可復知先人之事也此  
無以述曾祖賓皇任隴州長史祖母王氏祖朝隱鄙惡

浮名高尚其仕祖母栢氏伯父遜試左衛率府兵曹叅  
軍皆不幸短命先歸黃壚且大人少履文字貞元  
初以鄉舉射策上省者五六以賄援無竟不登第然  
當時稱屈者衆矣其後為河陽節度使所辟隨逐戎幕  
處事詳明奏懷州叅軍丁祖母憂不上後叅選拜果州  
司戶叅軍未上為度支山南租庸使所厚抑志勾留共  
理鹽鹵官滿不舍其後懼以覆餗懇辭所榮租庸使韋  
公不勝其辭由是獲免既而四海無業一家若浮遂携  
老幼而入關關中無投足之地賈居于萬年縣之勝業  
里顯然無託食於親知者首尾五祀出無車輿坐寡糧  
糗妻孥有含菽飲水之患無衣無褐之虞而我父不為



恥不隕越者以其知止知足達於至理者也元和四年夏四月相府裴公因人而知其善補待制官掌握絲綸廉慎益著地居近密不發私書朋舊昵親由斯咸怨人雖欲遺之口布斗粟曾不我容焉所謂蹈火不熱履霜堅冰其此之由乎拜婺州司功叅軍轉宣州司功叅軍未滿今年復有詔令之本官以其年十月十三日終于宣州宣城縣之公館匡贊親侍靈昇以明年歲次乙未四月八日已酉葬于京地府萬年縣之畢原禮也於戲大人履善道踐吉事亦已久矣而不曾極耳目之所觀聽娛心意之所愛樂一生蹇蹇終日棲棲而死之日餘俸不足以葬藏一身兒女無歌

尖之地其不痛矣然則庸非儉極乎孀趙氏試璧州別駕昇之女自罹豐咎泣血終日加以孤幼纏繞疋羸殆深生男女六人女三人長曰素恭嫁李氏仲曰季風嫁侯氏季曰季雅猶未從人兒三人長即匡贊仲曰文質皆三衛出身季曰齊貢拜兗州都督府叅軍丁此憂不上並生遭不造少集茶毒酷裂煩冤無所逮及蒼天蒼天噫大人積德累仁如此竭忠盡孝如此宜乎天地孔昭神明大鑒享年有永降福穰穰者焉如何朝陽露晞璋璿暴殞倉天倉天匡贊所不以斯文託於人以其情地崩迫莫其紀事之明也雖讚父之德則為寵親而內舉不避且旌善人其辭曰



沖和降氣 誕生忠良 和順內積 英華外揚

靡暴于弱 無凌於疆 天胡不惠 流毒禍殃

精魂倏殞 聲績弥彰 千齡萬代 共響遺芳

匡贊為父誌墓乃用行書上石篇末云內舉不避且

旌善人此豈贊父之詞耶其云以鄉舉射策上省五

六賄援兼無竟不登第唐代制科人材輻輳其不盡

出于公即此可見匡贊書父諱缺末筆其云圖籍致

毀致當作棄高尚其仕當作事曰終于宣州之公館

今人以官游所寓曰公館始見於顏魯公殷君夫人

碑云卒於成已尉氏之公館此其再見也

古誌  
石華

誌叙年月多未明晰曰元和四年為相府裴公所知

又曰拜婺州司功參軍轉宣州司功參軍未滿今年

復有詔令之本官所謂今年者不知指何年也又云

以其年十月十三日終於宣州宣城縣之公館所謂

其年者又不知指何年也又云以明年歲次乙未四

月八日己酉葬於京兆府萬年縣之畢原所謂明年

者以歲次乙未證之始知為元和十年自四年至十

年凡隔六載乃以今年其年明年串叙何耶邈妻趙

氏誌云邈以元和九年十一月十三日不祿於任即

此誌謂今年其年也趙氏誌作十一月此誌作十月

亦互異矣

筠清館  
金石記

右墓志首尾共三十行行三十字行草書字徑三四



分志叙魏府君歷官事蹟貞元初以鄉舉不第繼為河陽節度使辟置戎幕奏授懷州參軍丁祖母憂不上後選果州司戶參軍亦未上是雖授職而皆未之官也後又為度支山南租庸使所厚留其共理鹽鹵復懼覆餗懇辭獲免至元和四年為相府裴公所知補為待制官則又皆勸事幕中也及拜婺州司功參軍轉宣州司功參軍未滿而云今年復有詔令之本官以其年十月終於宣州宣城縣之公館則其官婺州轉宣州初亦皆未嘗到任及到宣州任之年未幾即沒矣志述其鄉舉射策上省者五六以賄援兼無竟不登第其辭山南租庸使而歸也云四海無業一

家若浮移老幼入關中無投足之地賈居萬年縣食于親知者五年出無車輿坐窶糧糗妻孥有含菽飲水之患無衣無褐之虞逮為裴公待制官掌握絲綸廉慎益著地居近密不發私書朋舊昵親由是咸怨又云不曾極耳目之所觀聽娛心意之所愛樂一生蹇蹇終日棲棲死之日餘俸不足以葬藏一身兒女無歌哭之地則魏君之清心寡欲淡於仕進而又能守正矯俗雖至飢寒困苦而不畏其亦可以風世者矣以史故之所謂相府裴公者當是裴埒也唐書宰相表元和三年九月戶部侍郎裴埒守中書侍郎同中書門下平章事五年十月罷為兵部尚書而本傳



言均為學士時引李絳崔羣與同列及相又擢韋貫之裴度知誥李夷簡御史中丞皆踵躡為輔相号名臣自它選任因不精明人無異言故元和之朝百度修舉稱朝無幸人然則魏君既為裴公所知而辟補幕僚可知志文所言皆得其實矣文為其子匡贊撰書以子志父母唐人往往有之且直書其名諱而无忌異於後代之以他人填諱矣文中稱母為孃自稱為兒語歸質實可別於他人作述之體且云不以斯文託於人以其情崩迫冀其紀事之明也惟下云雖讚父之德則為寵親而內舉不避且旌善人則未免措詞比擬皆失其當反覺畫蛇添足矣唐時官制有

十六衛又有五府二衛之名竝詳史志云武德七年以親衛曰一府勳衛翊衛曰二府謂之三府衛諸衛翊衛及率府親勳衛亦曰三衛即匡贊所言與其弟文質皆三衛出身是也其言伯父遜試左衛率府兵曹參軍亦即三衛之官也書法頗佳似深於二王及顏清臣者予先年得逸妻趙氏墓志乃王儔撰先叙魏氏得姓家世較此為詳父祖名及官與邈之歷官皆合云卒於元和九年十月十三日壽年五十有五十年四月歸窆京兆萬年縣洪固鄉北韋村北原此志脫書其卒年及壽年之數然云明年歲次乙未四月八日己酉葬乙未即元和十年正與此合其書葬



之鄉邨地名則此但稱畢原為小異另攷於後惟據禮記孟子孤乃年少無父之稱此志季子齊貢已官都督參軍而長子匡贊撰書自稱孤子蓋亦沿俗例父死皆稱孤也長安志載勝業坊在朱雀街東第四街即皇城之東第二街蓋即此所謂勝業里也趙氏志為外人所撰其所述邈之事實甚畧此為其子所作情文固當質宜詳盡趙氏卒葬會昌五年後於此卅年其書子匡贊前任劍州晉安縣主簿文質任壁州永泰縣令齊貢前任延州豐林縣令與此皆不合固無足怪乃以齊貢為長匡贊為次文質為幼序次迥異此志既為匡贊自撰宜無錯悞則其誤應在王

傳惟趙氏卒時如匡贊等皆在亦當為之更正豈此於匡贊齊貢之官上皆加前任二字已先卒耶然文質上獨無前任字又不可解彼志亦先女而後男而云有女四人長適皇甫氏次適李氏次適侯氏幼適王氏此志止記三人無適皇甫氏者且即數嫁李氏者為長又與彼不合皆不可解志亦當在陝西而此與趙氏墓志前人皆未著錄關中金石志及黃孝廉所補亦皆無之恐亦近斯出土者亦己丑六月獲之吳門書友漢碑每以倉為蒼此文書蒼天為倉天可見二字唐人猶知通用也毛詩秦風終南何有有紀有堂毛詩畢道平如堂也箋云畢終南山之道名邊



如堂之墻然蓋本爾雅釋邱畢堂墻之文也春秋左氏僖公廿四年傳畢原鄭邠文之昭也杜注畢國在長安縣西北尚書序周公薨成王葬於畢漢書劉向傳文武周公葬于畢師古注畢陌在長安西四十里三輔故事云文王武王周公皆葬畢陌南北史記正義引括地志云武王墓在雍州萬年縣西南二十八里畢原上元和郡縣志同又於咸陽縣下云畢原即縣所理原南北數十里東西二三百里無山川陂湖井深五十丈亦謂之畢陌漢朝諸陵並在其上下長安志即本之於萬年咸陽二縣皆載之中洛攷終南山東有藍田界西入萬年長安二縣界東西長四十

里則所謂畢原者即在終南山之下而後人因其地長而大又無山川陂湖間隔故又謂之畢陌也

金石文編

古泉山館

按宣州司功參軍魏遷墓誌銘子匡贊撰書子銘父墓唐人多有之此誌文無紀律立言亦殊失體云今年其年不知何歲以明年歲次乙未考之乙未為憲宗元和十年則所稱今年其年者乃元和九年也相府裴公謂裴垪也元和三年九月以戶部侍郎裴垪為中書侍郎同平章事四年四月正垪為相之時史稱垪器局峻整人不能干以私

十哲讚碑



表本高廣不計正書額題十哲  
讚碑四字篆書在浙江山陰縣

先師顏回字子淵 制贈充公 御製

杏壇槐市儒術三千回也亞聖某也稱賢四科之首百  
行之先秀而不實得慟焉

閔損字子騫 制贈費侯 銀青光祿大夫守侍

中源乾曜

惟顏亞聖惟閔比德讓宰善辭安親順色動靜無間中  
正是則非經即禮至孝之極

言偃字子游 制贈吳侯 太中大夫守中書侍

郎上柱國盧從愿

文學高口絃歌政聲動則不徑盧乃先口立言宏遠執

禮專精升堂入室凜凜猶生

端木賜字子貢 制贈黎侯 黃門侍郎兼鴻臚

卿韋抗

聞一知二口口口口計就吳滅言行魯口口口口口口

舟子字子我 制贈齊侯 右散騎常侍元行冲

臨緇辯口學以致祿懲彼不勤見嗤朽木激茲忠孝貽  
毀新穀政事登科而不庇族

舟雍字仲弓 制贈薛侯 銀青光祿大夫守中

書令上柱國張嘉貞

諸侯為邦雍也可使道在於政政期於理用刑者何居



敬則已况禮况德聞之夫子

舟求字子有 制贈徐侯 開府儀同三司上柱

國廣平郡開國公宋璟

文之禮樂適可成人目以政事方為具臣豈才不足寧  
道斯屯其謂國老眇然清塵

仲由字子路 制贈衛侯 右散騎常侍上柱國

陸餘慶

偉哉英士既列且忠宿言無諾□□□□□□□□

山氣雄燔臺□□□□□□

舟耕字伯牛 制贈鄆侯 開府儀同三司上柱

國梁國公姚元崇

顯門隸業入室推賢名惟科首行則士先是為上豆寧  
同及肩亡之命矣懷之喟然

曾參字子輿 制贈成伯 禮部尚書許國公蘓

題

百行之極□□以教聖人叙經曾氏知孝全謂手足動  
稱容貌事親事君是則是効

卜商字子夏 制贈魏侯 同書左丞上柱國裴

灌

孔門好學文章粲然言詩屬傳師聖齊賢德不喻法人  
何怨天見疑夫子離羣久焉

唐元和十年十二月三日浙東觀察使越州刺史



兼御史中丞孟簡置

第一千七百二十六唐孔子弟子贊明皇與宋璟等

撰元和十年十二月孟簡置

金石錄

真陽東嶺洞谷銘

高三尺四寸廣五尺二寸三十六行行二十五字登  
仙至巖壁一行二十七字正書在廣東韶州府英德  
縣摩崖

唐真陽果業寺開東嶺洞谷銘

并序

河南元傑字長夫撰

陰陽精氣結為山嶽者則為勝為異為奧為闕故萬嶺  
交峙而嵩華辨其方羣岳効靈而瀛壺拔其類是知仙  
居靈宅其必有黨乎鳴絃北趾果業之東阜高不百仞

廣纔千畝層巖石室幽谷靈洞殊境異觀秀絕奇偉雖  
瀑流之下鑪峰懸磴之躋丹嶠路遠莫覲余不知其倫  
擬焉案寺記云昔有方士居於是山鍊金變形羽服登  
仙故石座丹竈至今存焉觀其東嶺削成石瑩如玉崗  
巒峭竦巖壁重複捫藟而昇如造雲根縹渺嬋娟似霞  
衣之可攀真氣脉而塵累捐五蓋破而清機閑蕩然放  
懷如羽翼之已生赤城之可接噫境變志遷若苜契之  
協從也下臨長川澄波吐瀾煙霞夕收飛鳥不喧杳渺  
逶迤流注無間西直巨峪連嶂如屏林靄朝翠巖光晝  
青篠簌藏輝杉松下冥虛廓寂寒涵風有聲綠嶺未極  
劃開洞門黛容峭嶭詭狀輪囷疑伏龍佐鎮含煙雲又



有古木倒倚絕壁盤根網結掛絡空碧崩崖傍傾爰逕  
下仄羽人幽會此焉瑶席搏翠壁而直上軋崎嶇於紫  
氛雙巖屹以中斷奔屏蹙而成室涵孕精爽澄凝氣源  
信列仙之攸居豈塵俗之所止哉嗚呼鶴駕一去鳳簫  
響絕荆榛蔽路危磴敗跡留人境而舉世莫知地聯  
精剎而群遊莫至吁可怪乎其晦藏也元和丙申歲秋  
八月余以膠鬲之困寓居精舍再從兄昭肅時假茲  
邑政便於人務亦多暇與當寺僧智捷日探道源捷亦  
好古饗竒之士也因語故實緬思羽客之元風以為靈  
跡神蹤精誠必復乃捺刃持畚履險通幽梯絕棧而歷  
巉岳排蒙蘊而登杳藹時不更稔而神居秘躅粲然皆

睹嗟乎芝田懸圃豈遠乎哉天之與人氣通則合客有  
顧咨而諭予者或應之曰天之運否泰相濟故善利稱  
德有下民冒墊人之道行藏有數故棘津蓬累時惟鷹  
揚靈物必通道在斯著不然何荒阻干祀勃焉而興歎  
乃為銘曰

鑿石通道兮援木枝仰攀洞口子踐欹危奔龍伏虎子  
勢狀竒林攢峰倚子蟠雲螭下臨陰谷子神以慄嵌巖  
二子洞無極老松蕭瑟子生遠風興雲霏子煙霧黑  
懸巖排空子色噴黛堅根網絡子增霄外披霓解帶子  
羽翼生下睇遙江子入青靄世道紛綸子何足謂朝為  
榮華兮夕顛賴不如幽谷兮閱仙經冀接浮邱兮整煙



轡我窺丹竈兮坐山腹眾峰參差兮隱雲族乃鑿仙嶺  
兮望瑤臺朝霞照海兮錦綺開信赤松之所昇降王喬  
之所往來道或用晦子靈物斯潛般道未昌子說築傅  
巖紛予感此兮勒銘雲根山既不朽兮與銘長存  
元和十一年十二月十九日刻

寺下缺十石鼓在焉

元傑滇陽果業寺開東嶺洞谷銘在英德南山輿地  
碑目兩載之一在南雄州題云開東嶺洞谷銘一在  
英德府題云果業寺開洞谷記今考之實一碑耳又  
唐詩紀事云元傑有滇陽果業寺開東嶺洞谷銘并  
序按滇陽郡慶元三年升英德府果業寺即南山聖

壽寺與此刻正同可證王象之載入南雄州之誤矣  
至其文與文粹所載稍有異同蓋版本輾轉傳刊脫  
誤當以石刻為正廣東通志

按滇陽即今韶州府英德縣元和郡縣志嶺南道  
廣州管縣十三滇陽本漢舊縣屬桂林郡在滇水  
之陽因名焉吳屬始興郡開皇十年改為貞陽屬  
循州十九年改屬廣州武德元年復改為滇陽太  
平寰宇記南漢乾和五年於滇陽縣置英州宋史  
地理志英州屬廣南東道宣和二年賜郡名曰滇  
陽慶元三年升英德府元史至元十五年置英德  
路後降為州省滇陽含涯二縣入之直隸廣東道



明史洪武二年降為縣改屬韶州府 國朝因之  
此滇陽英德古今沿革大略也元傑因從兄昭肅  
官滇陽同遊果業寺寓居精舍乃與寺僧智捷開  
此洞谷勒銘石壁其歲為元和十一年丙申開洞  
於八月勒銘於十二月故云時不更稔輿地紀勝  
南巖在州南鳴絃峯之前景德三年郡守王仲遠  
於石壁間得元傑所刻開洞谷銘及涵暉谷等字  
涵暉今不可考此銘前題傑撰而書者無徵南山  
絕壁尚有元傑所題飛霞嶺三字及眾樂亭外傑  
與昭肅智捷等題名則此銘即傑自書寺當鳴絃  
峯下序所稱鳴絃北趾果業之東阜是矣銘序又

見於寶刻叢編廣東通志金石略亦載之前刻河  
南元傑字長夫撰一行未刻一行已剝蝕寺起石  
鼓在焉四字止尚可辨志皆失載是本平陽儀墨  
農明經克中所贈乃道光初墨農為阮宮保採訪  
嶺南金石手拓得之凡泐五字据唐文粹補

辛秘中岳題記

在少林寺靈運禪師碑側菩薩  
像下五行行六字正書左行

元和十二年閏五月廿九日河南尹辛秘奉


勅祭中岳散齋于此寺

按辛秘唐書本傳以河南尹進拜昭義軍節度贈  
尚書左僕射諡肅懿金石錄有昭義軍節度使辛



秘碑牛僧孺撰陳諫正書通鑑作辛秘

卷九



金石續編卷第九終

